

六經同卷

阿三

佛說三十五佛名禮懺文

佛說救拔焰口餓鬼陀羅尼經

觀自在菩薩說普賢陀羅尼經

八大菩薩曼荼羅經

能淨一切眼疾病陀羅尼經

除一切疾病陀羅尼經

佛說三十五佛名禮懺文 出烏波離所問經

大興善寺三藏沙門大廣智不空奉詔譯

娜謨釋迦牟尼佛 娜謨金剛堅固能摧佛

娜謨寶焰佛 娜謨龍自在王佛

娜謨勤勇軍佛 娜謨勤勇喜佛

娜謨寶火佛 娜謨寶月光佛

娜謨不空見佛 娜謨寶月佛

娜謨無垢佛 娜謨離垢佛

娜謨勇施佛 娜謨淨行佛

娜謨梵施佛 娜謨水王佛

娜謨水天佛 娜謨賢吉祥佛

娜謨無量威德佛 娜謨旃檀吉祥佛

娜謨光吉祥佛 娜謨無憂吉祥佛

娜謨那羅延吉祥佛 娜謨華吉祥佛

娜謨蓮華光遊戲神通佛 娜謨財吉祥佛

娜謨念吉祥佛 娜謨喜稱揚名號吉祥佛

娜謨帝幢旛王佛 娜謨鬪戰勝佛

娜謨勇健吉祥佛 娜謨勇健進佛

娜謨普徧照曜莊嚴吉祥佛 娜謨寶蓮華遊步佛

娜謨寶蓮華妙住山王佛

如是十方一切世界中諸佛世尊出現世間

住持遊行願皆觀察哀愍於我我或今生或

於餘生無始時來廣作眾罪或自作或隨喜

作或教佗作或偷盜佛物僧物四方僧物或

自作或隨喜作或教佗作或造五無間罪十

不善業道或自作或隨喜作或教佗作由此

業障覆蔽身心生於八難或墮地獄傍生鬼

趣或生邊地及彌戾車或生長壽夭設得人

身諸根不具或起邪見撥無因果或厭諸佛

出興于世如是一切業障我今對一切諸佛  
 世尊具一切智者具五眼者證實際者稱量  
 者知者見者前我今誠心悉皆懺悔不敢覆  
 藏願我尸羅律儀復得如故復願諸佛世尊  
 攝受護念證明於我若我今生或復餘生無  
 始時來於流轉生死或曾捨施傍生一團之

二

食或曾持一淨戒或曾修梵行善根或曾修  
 少分無上智善根悉皆合集計校籌量如三  
 世一切諸佛於最勝無上迴向願中願皆迴  
 向無上正等菩提

一切罪懺悔 諸福皆隨喜 及勸請諸佛  
 願證無上智 過去及未來 現在人中尊

無量功德海 我今稽首禮

右此三十五佛名并懺悔法出烏波離所問  
 經能淨業障重罪現生所求禪定解脫及諸  
 地位皆能滿足五天竺國修行大乘人常於  
 六時禮懺不闕功德廣多文煩不能盡錄但  
 依天竺所行者略記之餘如本經所述

佛說三十五佛名禮懺文

佛說救拔焰口餓鬼陀羅尼經

大興善寺三藏沙門大廣智不空奉詔譯

介時世尊在迦毗羅城尼拘律那僧伽藍所  
 與諸比丘并諸菩薩無數眾會前後圍遶而

為說法介時阿難獨居靜處念所受法即於  
 其夜三更已後見一餓鬼名曰焰口其形醜  
 陋身體枯瘦口中火然咽如針鋒頭髮鬚亂  
 爪牙長利甚可怖畏任阿難前白阿難言却  
 後三日汝命將盡即便生此餓鬼之中是時  
 阿難聞此語已心生惶怖問餓鬼言若我死

三

後生餓鬼者行何方便得免斯苦介時餓鬼  
 白阿難曰汝於明日若能布施百千那由佗  
 恒河沙數餓鬼并百千婆羅門仙等以摩伽  
 陀國所用之斛各施一斛飲食并及為我供  
 養三寶汝得增壽令我離於餓鬼之苦得生  
 天上阿難見此焰口餓鬼身形羸瘦枯焦極